

光緒重修天津府志

重修天津府志卷四十三

傳五

人物三

國朝

蔡政盛案此近人眾多必須分卷因割疆著籍皆
 定故以州縣分之惟各自序年仍前例耳諸志之
 文多本家傳墓誌易病繁縟况郡乘宜更簡嚴因
 節去尤文並削凡庸至新采訪者稍寬則恐各志
 不連續修藉此留存異時刪歸簡要仍可俟諸
 後人耳前錄碑記已有然者亦於此補聲焉
 目錄
 周天命 天津縣 王顯謨 朱天成

劉得甯

李友太

朱承命

孟宗舜

朱同邑

子函夏
紹夏

隋光啟

周人龍

子大倫

邢琰

翟淵

佟鉉

程鑰

徐蘭

安尙義

于京

李如桂

康從徵

張霖

弟霖 子

龍震

兄霖 姪

璿童 葵園

查為仁

子善和 善長

查為義

查禮

曾文彬

張暑

王又樸

魏君舜

金相

周人驥

周焯

王登舉

子光祖 盧元璠

李接芳

盧元陽

林鴻鳴

劉顯祖

沈鵬鳴

侯天順

蕭國泰

張廷貴

子士聰

陳應夏

子玠

趙承業

靳連

牛鍾瑞

王顯命

王二道

武廷豫

子宏彥
綱儒

馮廷柱

繆啟乾

李化鯉

梅開傑

胡捷

金大中

黃謙

弟誦
姪祐

于豹文

周人騏

徐觀孫

酈世澍

子廷本

吳廷華

汪沆

梁洪

王文雄

宋眞儒

張廷琛

劉文煊

李承鴻

俞金鼈

丁時顯

婁杰

解秉智

從子道
亨

金世熊

周隆謙

張湘

鄭熊佳

金玉岡

劉吉

王祿鵬

繆文璧

董岱

王希曾

吳人驥

張虎拜

從弟虎土

卜維吉

徐輝

沈峻

姚逢年

子承恩

黃成彥

朱光觀

樂立本

查彬

徐玠

侯肇安

牛坤

徐通復

沈嶧

焦景新

楊一崑

沈樂善

邵棻

李源

李國柱

韓大佩

趙英

劉士珍

李永凝

章潮

陸樟

梅成棟

王鴻儀

王有慶

汪彭

梁寶常

子逢喜

沈兆雲

劉廷璐

余堂

子作新

吳景周

殷秉鈺

徐埴

張伯琛

宋大成

李嘉善

寇蘭皋

陳鼎元

華光燁

梅調鼎

李雲楣

吳士俊

齊承彥

華長卿

子光鼎
鼎元

李壽春

閻履芳

張秉銳

胡承勛

子士鎮

楊家麟

于揚獻

穆大本

金光筋

田履安

徐亨

齊世郁

繆逢恩

田椿

喬書年

倪虎榜

張錦文

張樹琪

李春城

李世珍

劉祖慶

嚴克寬

李鉦

孫大鵬

薄通

王五

張衣敏

黃應文

子樸

劉鐸

魏元培

駱鳳書

馮嘉蘭

孫明新

王晏清

楊國柱

趙濬

陳珍

楊葆森

楊文光

王文運

邱景華

張春元

李瑞璋

劉國慶

姜宗義

曹天祿

趙錫朋

張玉琨

張淦

王登瀛

武德深

趙世裕

趙恩鑣

曹寓升

胡澄

查體勤

于秉鈞

胡炳泰

樊彬

蔣玉虹

趙堃

沈起麟

鄭樸

康堯衡

董懷新

史樂善

孟繼坤

劉錫

周自邵
查議

喬耿甫

金汝琪

劉景雲

天津縣

案邑中近年科第甲於三輔則可紀自宜特多惟其兩志舊者爲始創簡略固宜新者吳因蔣稿踵增未諳紀載考據徒傷寬泛賴有津門詩鈔徵獻詩注選舉錄等間資補苴考證

周天命順治初爲天津參將土寇作亂率兵赴勦

力戰而死事平廕其弟明命都司經歷

前志引一統志 案

新通志引舊通志云入名宦今考郡縣俱祀忠義惟宦績先有傳

王顯謨

順治丙戌拔貢

爲漳州府同知海寇陷城被執賊

怒其不屈埋其身露首餓死

恩贈按察司副使

同上

字裕如浙江慈谿人隸籍天津由拔

貢授河南歸德理刑斷獄精明順治六年升漳州

府同知九年禦寇力盡赴水死事聞

賜祭葬子元翰廕授武清縣丞

新通志引福建通志案祀忠義

朱天成順治初捐粟賑濟三月全活甚衆與劉得甯俱經兩院具疏以聞

詔賜八品服旌之天成年七十九卒

前志案祀鄉賢並祀義行

劉得甯順治初年饑出粟賑濟活難民數百口葬

埋無主骸骼無算年八十六卒

同上案兩祀亦同

李友太字仲白號大拙言行不苟

前志

鼎革時年十

三隱身黃冠篤久要生死不易樂施予

王又樸家撰傳

貧人有所問遺卻不受

朱函夏撰傳

餉司郝延年重其

名以束帛求致不可乃躬造廬以請友太踰垣避

卒不見曰吾勝國逸民可見今日之士大夫乎王傳

工畫人物山水然不爲人作一女知書工白描人

物作輒毀之後以家貧作大士像數幅命蒼頭走

京師鬻以自給友太歿終身不嫁朱傳

朱承命父廷柱負才早卒母季氏苦節撫成三孤

承命其仲也徵獻詩注順治戊子舉人已丑進士山東

鄒縣知縣前志引浙江定海縣知縣雲南安甯州

知州戶部員外郎康熙癸丑令鄒修縣志有序文

碑記徵獻詩注幼嗜學嘗端午食角黍誤醺墨汁以爲

飴也

前志

孟宗舜字亦若生而穎異以文章名書法義獻甲午鄉薦順治己亥進士授江西臨江府萍鄉縣知

縣

同上

朱同邑承命子字潔臣號晴崖好學工文李光地督順天學政拔爲八郡冠康熙三十八年舉於鄉會有

詔覆試同榜舉人皆股慄同邑獨橐筆就乾清門試得上

等八上公車不第

前志

光地好士士攜襪被直入邸

第閭人不敢詰同邑受國士知一再見輒謝去家

貧好義狷介不取閉戶教子皆成名及死貧不能

葬大興黃叔琳爲誌其墓斂錢葬之子函夏紹夏

陳儀撰傳函夏字乾馭號陸槎貢生舉博學鴻詞隨祖

承命官江南遊覽所至必發於詩著有谷齋集紹

夏字義玉號西廬貢生與兄齊名同舉鴻博

津門詩鈔

參前志

隋光啟由宗人府奉祀授江南松江府守禦所升

湖廣錦田衛守備康熙閒夏包子謀逆漢口光啟

城守不去死於難奉

官命地方官護柩回籍

前志案
祀忠義

周人龍字雲上號躍滄父式度字梅嶼諸生以學

行名一鄉

陳宏謀撰傳

人龍康熙

戊子舉人

四十八年進士

授山西屯留知縣明年調清源士民送於郊泣不忍舍升忻州知州遷知蒲州府山陝民隔河爭地創議以河爲界因地納糧大府從之至今稱便時又有丁糧歸地之舉紳衿富民不悅或言於

朝下其議於晉撫人龍抗言必行事遂定升江西督

糧道革蠹藪創立規約乾隆十年告歸卒年六十

四

周人龍撰傳

著有居易堂三周文稿

津門詩鈔

弟人驥從

弟人驥皆自有傳子大倫孫璠大倫字理夫貢生

官鹽課大使調臺灣彰化縣丞數年稔知民氣凶
頑時虞失靖任滿謁大府言大府疑其故張大不
信檄往諸羅縣治事未幾林爽文倡眾陷彰化犯
諸羅大倫馳入縣署謀守禦賊夜遽犯城入縛以
去不忍殺力勸之降大倫切諭之繼以大罵首觸
柱額裂血淋漓囚凡數日罵不絕口遂遇害年五
十二事聞

如例廕雲騎尉世職

焦循撰傳

璠字梅村著有梅村詩草

一卷

前志參
縣志

邢琰字芸圃康熙五十九年舉人性孝友父客都

下琰授徒奉母母病晝夜侍牀簣及歿哭泣咯血

以哀毀死

新通志引
秋坪新語

見者稱曰眞孝廉

前志

翟淵康熙五十九年舉人乾隆三年知崇安縣邑

有捏報糧田銀二千二百餘兩米二百六十餘石

官民田多輾轉爲詳豁免之合邑頌德

新通志引
福建通志

佟鏐字蔗村已而道人其別號也長白人父官河

南布政使兄弟六人皆仕鏐例授別駕不謁選絕

意華廬卜居天津城西門臨流水榜其居曰滄浪

考槃性嗜山水耽吟詠津之能詩者未有過之妾

趙氏字豔雪亦工詩鏐築豔雪樓貯之今土人所

稱佟家樓卽其遺址

前志

程鎬字北堅晚年更字果菴浙江山陰人年十六來天津遂寓焉少孤事母以孝著不嗜榮利有勉之就試者援筆立就辭采甚偉顧視鄰生窘甚袖以與之遂不試而出性倜儻游歷南北好施濟不勝枚舉以故家日益貧母卒於津謀歸葬於越未得復違客於浙而病鎬自知醫診其脈已絕泣而祝曰天苟假之年卒葬而死無憾也旣而果不死奔走四方所得絲毫悉以供葬并置墓田家人在北飢寒不措意蓋三年而葬畢而鎬亦竟卒於金

陵矣友人謝重可高其誼爲之經理葬事歸葬於
越鎬勤於撰述有斑管錄七十餘種豹隱齋詩文
集若干卷無子有女名德輝以節烈著

同上

徐蘭字芝仙紹興人以詩名吳越閒中年游天津
遂占籍焉嘗從軍出居庸關有詩云將軍此去必
封侯士卒何心肯逗遛馬後桃花馬前雪出關爭
得不回頭王漁洋極賞之後卒於津

縣志

安尙義字易之原籍朝鮮僑居天津康熙五十年
饑民載道尙義創建粥廠南門外賑之繼此十餘
年不替全活人無算天津城池歲久傾圯尙義與

子岐捐貲修築鹽院莽鵠立爲具題

于京字岱瞻別號無欺道人前明靜海諸生樂善好施郡城西至小澱村路長四十五里獨力捐修他如立義冢濟貧乏施棺木助婚喪皆竭資以成善舉遷居天津南城絕意進取

李如桂字拙菴其先晉陽人順天舉人除陝西紫陽令招流亡資失業勸課農桑秩滿遷順天推官授浙江提學道授口北道性剛直不能逢迎以微旨謫歸寓津門老焉

俱同上

康從徵字懷宙業鹺家天津性不苟於財有同業

寄貲數千回晉久無耗訪其子歸之

長蘆鹽法志

張霖字汝作號魯菴晚自號卧松老衲撫甯人父

明字遷天津霖由歲貢歷官福建布政使

前志

署雲

南巡撫緣事落職家居有遂閒堂一畝園問津園

思源莊築水樓諸勝園亭甲一郡集諸名士唱和

其中一時如姜宸英梅文鼎趙執信吳雯朱彝尊

徐蘭方苞皆主其家文酒之譙無虛日著有閒居

堂稿弟霑字帆史號念藝一號笨山貢生官中書

舍人累試不第歸築小室曰帆齋

津門詩鈔

霖門業甲

三津霑性孤逸蕭然無所與嘗科頭跣履行街衢

爲車馬客所辟易與龍震交最篤詩似李白書得

張旭神骨

陳儀撰
龍震傳

著有帆齋逸稿欵乃書屋綠豔

亭弋蟲軒秦遊晉史諸集霖子坦壩坦字逸峯號

青雨康熙三十二年與弟壩同舉於鄉同官內閣

中書詩書得家法著有履閣詩集喚漁亭詩稿

津門

詩鈔壩字聲伯有二張合稿文集秦遊詩草孫映暉

俱進士

前志參縣志 案四人科第不載選舉蓋
在原籍至此後名虎拜者始占津籍耳

龍震字文雷自號東溟山人性豪脫閒放不治生

產時禹筴相矜爲豪震夙有分業一夕惡催租吏

擾徑詣去親知惋惜且咎之旋有以引地求賃不

售者震卽賃而自爲之頓獲厚利親知驚賀笑謝
曰戲耳吾不爲此一應試舍去曰不再辱退而偃
卧一室不與人交通獨友張霍以詩相娛霍死漠
然無所向閒入市獨醉村醪再遊江南一遊山東
遇佳山水流連憑弔至泣下晚築別業顏曰玉紅
草堂自康熙甲戌至癸巳得詩四千餘篇前作皆
交曰詩志也自是吾志定矣

陳儀撰傳

年七十無妻兒

錢陳羣木門行感舊詩

終狂憤鬱勃以死

陳傳

兄霖字沛然性

豪俠好客事繼母如母弟震好遊嗜酒能成其爲
高士子圖躍官河南汝甯知府戒以勉爲清白吏

不惜破家否則不復見汝矣豫省後科派激變惟

圖躍吏議不及克承父志云

陳儀撰墓誌銘

時與龍震同

以詩名者金璿童葵園璿字子衡葵園字蘭風著

有閒閒集

津門詩鈔

查爲仁字心穀父日乾以禹筴起家賢能孝義著

聞三輔

采訪冊

爲仁年十九舉康熙辛卯鄉試第一

主試事者武進趙申喬也申喬故以革銅商事與

執金吾陶和氣者相水火欲甘心焉謂榜首固富

人子且少年名不出里閭是奇貨可居遂鉤致以

興大獄既鍛鍊成而爲仁當死罪長繫請室爲仁

固才士既頓歟無生理乃就白雲司葺板屋數間

日讀書習靜其中高雲上人為榜曰花影菴

國朝詩

人小

傳三數年後得釋

蒲褐山房詩話

遂絕意華膺頰首書窟

萬光泰蔗

七略四庫恣意佃漁

小傳作為詩歌以自

娛序

皆清新微婉耐人尋繹蓋為仁嘗學詩於初

白菴主又與厲鶚杭世駿萬光泰汪抗諸人游一

洗粗獷浮廓之習歸諸雅正

紅豆樹館詩話

為仁既出獄

小築水西莊濱運河有南倚草堂數帆臺攬翠軒

枕谿廓水琴山畫堂諸勝

雨村詩話

慕古人顧阿英

徐良夫之風蓄積書籍廣開壇坫名流宴詠殆無

虛日許佩璜刺史贈之曰庇人孫北海置驛鄭南

陽其豪可想隨園詩話三於丙寅春夢雙鳳飛集榜各

銜金篆字一曰貞一曰福後納二小姬名適與之

同因作雙鳳圖鶚題句云蕙蘭原自含貞性風雅

何妨號福人蓋用元廉夫晚號江山風月福人事

也雨村詩話入導師為贈道號曰蓮坡故又稱蓮坡居

士云傳有蔗堂未定稿六卷外集八卷後輔詩傳二十九

子善和字用咸號東軒詩傳四十三學問博雅善自韜

晦好吟詠所著甚多津門詩鈔有東軒詩草善長字樹

初乾隆十九年進士官刑科給事中寄籍天津善

和子誠字衛中號海漚乾隆四十二年舉人官郎

中詩傳四十八詩酒自娛有蓮坡遺風家起小園疊石

蔣花積書萬卷無不披覽詩鈔有天游閣詩集詩傳妾

程亦能詩詩鈔俱順天府志引

查為義字集堂續輔詩傳三十一為仁弟幼為有用之學

投筆轉餉塞上論功授安徽太平府通判時兩淮

鹽法敝制軍尹繼善欲更張整飭乃奏設鹽掣擇

廉能吏司其事遂合舉為義擢淮南儀所通判在

任八年積弊以清方以治行尤異薦而適以父喪

歸遂不再出年六十三卒子三長溶次田次杰組

撰墓誌銘 孫彬字懋亭乾隆四十九年進士歷官河南

信陽州知州傳四十七 俱號履芳天性純摯嫡

母馬氏病思食鰕禱海頻得之後馬氏卒鄰火延

其居將及殯盡奔避獨弗去火竟不犯人以爲孝

感生母王氏患腿癰纏綿七十日晝夜侍疾吮之

以口癰得愈凡三居父母喪皆盡哀盡禮廬墓三

年光緒十年河南巡撫鹿傳霖稟請

旨旌表長蘆鹽法志稿

查禮原名爲禮字恂叔爲仁弟貢生任戶部主事

出爲廣西太平府知府有惠政士民爲建生祠遷

四川川北道會金川滋事帶兵擊賊擒寨首喇嘛
開修楸新道大輸帑餉凱旋仍留綜理屯政府擢
湖南巡撫因積勞成疾卒於京子信官湖北按察
使改大理寺少卿禮賢愛士綽有父風卒年八十
九孫咸勤又入籍宛平辛巳解元

縣志

曾文彬字子宜四十鰥居不再娶偶客遊數月歸
繼母爲置一妾文彬泣謝以有半立召其父母遣
之不責聘錢子信雍正甲辰科舉人

同上

張疊字石鄰雍正癸卯進士

案前志在甲辰選舉錄同

重氣誼

紀文達亟稱之任江蘇震澤令

案前志注作鄒平選舉錄注又作昭

文丙午分校秋闈禱神求潛德同僚乘深夜細竿

入窗觸冠者再手中卷遂薦獲雋眾譁笑曰君

等不自悟被神驅使反謂人被弄耶卒祀名宦

校不實憑卷中才學聽諸冥漠之神非法也

新通志刪之殆以此然所答實至理名言

王又樸字從先號介山幼以古文受知於方苞

庚子舉人雍正元年進士授編修歷官廬州府同知有

惠聲尤明水利津門詩鈔晚精易學著易翼述信十二

卷言易學者多稱之四庫全書提要又著有詩禮堂詩

文集讀史讀孟諸書津門詩鈔俱新通志引

魏君舜豐財場竈戶以作苦起家雍正三年水漂

沒廬舍人將流亡指困散給慰留之明年歲大熟

鄉人皆償所貸概辭不受

鹽法志稿

金相字琢章雍正

丙午舉人

丁未進士由編修歷官侍

讀學士與周人驥同有清正之稱屢掌文衡羣推

得士

縣志

周人驥字芷囊號蓮峯雍正

丙午舉人

五年進士授禮

部主事督學四川以監察御史授廣西右江道擢

湖南按察使清積案二百編彙成帙題曰臬楚摘

案擢陝西布政使調湖南升浙江巡撫劾貪墨除

漕弊補積通勸樹畜以事呈吏議革職尋署廣東

巡撫調貴州首清錢法勸植棉麻充民用奏開南
明河利銅運節經費避川江之險會有以糜帑累
民爲言者革職歸里卒年六十八著有香遠堂詩

稿

牛坤立撰傳

蓮峯宦稿

津門詩鈔

周焯字月東號七峯

雍正乙卯

拔貢工詩精小篆嘗從

野寺得謝文節橋亭卜卦研遂名其集曰卜硯山

房集

吳廷華撰傳

王登舉父歿兄寄食他邑貧不能殮質身營殯事
兄友愛子光祖父母歿廬墓六年以孝著稱時有

盧元璠亦廬墓三年

縣志

李接芳字穎生少孤母病刲股合藥以進獲瘳時有庠生盧元陽亦以孝著

林鴻鳴歲貢任密雲縣學訓導幼育於兄事之如父居官作興文教不負厥職時有劉顯祖歲貢三河訓導亦以孝聞學使三舉優行

俱同上

沈鵬鳴字君巖父志達嗜飲日供旨甘兼養病兄與嫂康熙中頻歲饑歉出粟爲糜賑之鄰縣饑民就食者縛茅棲城根鵬鳴每晨辨色起暗投以錢不使人知捐靜海小屯地十餘畝爲義塚親族不能婚娶者資助之義舉不勝紀子起麟字苑遊純

謹樂善有父風

前志

著有誦芬堂詩集

津門詩鈔

侯天順業農兼賈康熙三十七年西沽決大道百餘丈出財培加高厚北門外施茶菴久廢重立舍宇夏設飲冬爲粥並施棉衣施藥施棺焉城東北兩門石路塊圯苦行人命匠平治西門外有塔院爲藏骨地命人見骸必拾而歸之西沽渡舊用小舟時有覆溺請於官改立浮橋首捐橋船一以爲倡晝夜親督終成其事餘善行不可枚舉有司厯給匾獎之

前志

蕭國泰以營卒守楊柳青汛雍正十三年正月至

張家孤堆曠野中見一墜驢人中風不能言被襪
中有數百金裝扶至村廟躬爲護視走告諸官旋
訪其父歸之有司請於

朝賚之銀并給匾表之

張廷貴撫兄子夷於所生友王定宇託其子福寰
及年八十一疾亟執福寰手曰吾今有以報亡友
地下矣子士聰康熙中天津饑偕同志爲食於路

俱同上

陳應夏諸弟貧不能自存贍之終身築室趙家場
渡口冬夏施粥及茶河冰行人患滑仆以長板橫

鐵兩岸有犯徒罪者將發其母妻質身具糗精麤

夏憫之爲納贖緩脫其罪

朱函夏撰傳

子八人玠工書

前志玠字實人號石訂

津門詩鈔

貢生工詩書與李友太

梁洪龍震齊名

畿輔詩傳

趙承業字華亭好施予卒年八十八臨終聚券數

千金焚之子嗣普亦有義聲

前志

靳連舉人知陝西山陽縣以廉惠著居家孝友主

義塾二十餘年子世菁乾隆戊午科舉人

縣志

牛鍾瑞字信臣監生父夷歲貢好義樂施鍾瑞承

父志歲祓捐穀四百石以賑饑民

前志

王顯命好施予友劉雲璽死寄千金無知者召其子以子母歸之邑河東至豐潤約百里中有名深坑者多萑苻置屋其間命健兒旦暮衛送行旅卒年九十三

王二道勇敢自豪友因妻死棄三歲兒爲撫養之出入必俱追成立聞其友在遼陽航海歸之

武廷豫字建侯大同人父中岳明季授指揮僉書管天津城守營事時三衛罹水災董修衛城女牆以家財設水門並建閘於東南隅時啟閉以防汎濫尋擢遼陽都司晚居天津有子七人廷豫第三

由歲貢官主事善體父志識黃中丞叔琳於少時
妻以弟女復妻以已女生平推解無倦色每歲臘
雪夜率僕從散錢人不知誰賜因多火災立同善
會出貲備救火具至今賴之子三宏彥湖廣糧儲
道綱候選知縣儒國子監上舍

俱同上

馮廷柱字玉芝事寡母以孝稱每冬日捨絮衣又
與李化鯢經理育嬰堂事雍正三年大水首創捐

賑飢

縣志

繆啟乾字天若精音韻學究心說文玉篇廣韻諸
書喜施予義舉不可殫述郡城隍廟傾圯捐貲修

葺

李化鯤字雲生監生捐貲建河北浮橋修西沽大路經理育嬰堂事有司皆給匾旌之

梅開傑庠生好施予捐河北義塚地三十畝

俱同上

胡捷字象三庠生詩爲編修姜宸英所賞博學強記撰述極多著有讀書軒詩文集年四十卒

前志

金大中字馭東號名山河閔府學生豪邁能急人難尤工詩古文有可亭集四卷爲世所傳

黃謙字六吉廩生性曠達不涉戶外事酷嗜詩遊篋所至輒滿與張霑梁洪僧世高結草堂社咸推

主盟禱邸耳謙名以禮延致之數聘始往平生篤友誼張國禱之四川名山縣任送之滄州不忍別竟偕往家人莫知也張哲父某罹事於晉不得歸數千里往脫之著有桃源日記俱同上 厯下吟太行

行草弟訥字敏公有詩名訥子祐字履敬號松山

雍正七年舉人選江南沙務分府改知如皋縣事

再遷南通州直隸州政有惠聲

津門詩鈔

于豹文字虹亭乾隆

戊午舉人

十七年進士天才警敏

著有南岡詩草十六卷未仕病膝卒

津門詩鈔

周人騏字次遊號晴嶽乾隆

戊午舉人

四年進士授檢

討以病歸里閉戶著書主講龍岡書院年八十卒

著檢定唐宋文錄解毛詩簡明錄尚書簡明錄禮

記纂言唐詩類疏左傳輯評

牛坤立撰傳

徐觀孫字用賓乾隆三年舉人知漳浦縣邑莠民

聚眾滋事首犯就獲得其黨羽巨冊焚之事平擢

山東武定知府

新通志引福建通志但此科未有歷科亦無姑仍附此

案選舉非

鄭世樹浙江會稽人僑居天津食貧勵學屢試不

售臨終屬子廷本以范文正義田事妻陳氏備歷

艱辛廷本成立克承父志教授省衣節食置本邑

後補屯田民地二頃零五十八畝五分道遺命輸

義學爲諸生膏火資有司詳請旌之

前志

吳廷華字東璧浙江仁和人進士官翰林久居天

津纂修府志縣志著有漂榆集

縣志

汪沆字西顥浙江錢塘人舉博學鴻詞同修府縣志主查氏最久著津門雜詩百首

梁洪號芟梁大同人僑寓天津工詩詞與龍震張霍爲津邑詩教之源著有悅志堂詩草

王文雄號毅菴順天人由軍功歷任廣東水路提督所至士民愛戴後出征西藏事平凱旋

賜坐賜宴晚年寓天津遂家焉著提黔八陣圖藏於家

宋眞儒字舊山安徽蕪湖人僑居天津親死廬墓三年墓前池荷並蒂人謂孝感墓旁屋名虛舟

張廷琛大興人事親以孝聞寓天津捐貲建義學立義地設粥廠授通判因母老不赴壽六十七與妻沈氏同日無疾卒子釗任懷慶知府

劉文煊字紫仙浙江山陰人乾隆丙辰舉鴻博性峭峻交遊皆名士屢中副榜年八十餘卒於津

李承鴻字雲亭浙江山陰人來津以鹽筴起家耽詩好客築寓遊園有半舫軒聽月樓棗香書屋諸

勝名士皆館其家提倡一郡

俱同上

俞金鰲字厚安

縣志乾隆三年舉人

七年武進士授

侍衛補山東守備歷陞甘肅肅州鎮總兵三十二

年往伊犁理屯田收穫豐裕加二級三十八年擢

烏魯木齊提督多所建白三十九年調福建陸路

提督四十六年調甘肅提督平定逆回準噶爾有

功調湖廣提督五十年預千叟宴五十二年調直

隸提督未赴任適湖南鳳凰苗石滿宜等聚眾滋

事聞報馳往親剿事平留湖廣提督任辦理鳳凰

應善後事五十四年入都

賜紫禁城騎馬五十五年回任以疾告歸旋卒

大臣列傳

丁時顯字名揚號鵬搏乾隆

甲子舉人

十年進士天才

峭拔好苦吟早卒著有青蜺居士集一卷

津門詩鈔

婁杰字靜齋乾隆九年舉人官陝西韓城知縣潔

己愛民期年大治調富平厯升潼商兵備道所至

有惠政士庶爲建生祠卒於任罷市三日

王杰撰傳

解秉智字月川乾隆

丁卯舉人

二十二年進士授甘肅

永昌知縣永昌故衝衢轉運絡繹正供外纖毫不

取民坐是罷官留會城使自効五載復原官授安

化知縣霜傷稼力請上官得賑丁亥復霜災得正

賑外加賑兩月時需糧多而倉儲少大吏議半用

賑糧半用折價或遂因緣爲奸利秉智不扶同獨

以奏定之價示民結怨同僚坐是公事多齟齬移

疾歸卒年七十九

紀昀撰傳

從子道亨字通也以孝弟

稱

解秉智撰傳

金世熊字康侯號立農乾隆十五年舉人善書工

詩官河南襄城知縣平反冤獄忤上官改樂亭教

諭家苦貧死無以葬著有竹坡存稿

津門詩鈔

周隆謙字益亭乾隆

庚午舉人

十六年進士授長洲知

縣收漕不多取民立碑頌德沈德潛製文改山西

右玉知縣有循聲

縣志

張湘字楚山乾隆十八九年聯捷進士知江西餘
干縣風骨棱棱知府寡廉隅心薄之因求書切特
置盛筵酒酣出絹素湘置杯痛詆之合座變色知
府恚怒曰必參湘曰我三年如羈囚欲歸久矣罷
歸僅攜一竹牀姚應龍爲繪圖題詠改官新城教

諭著有大雅堂詩集

卷

津門詩鈔

鄭熊佳字南翔號蓬山乾隆

丙子舉人

二十五年進士

歷知廣東惠來電白瓊山樂昌諸縣多惠政工詩

篤交游金玉岡死經紀其喪凡數千金與玉岡唱

和詩彙爲山舟草一卷

梅成棟撰傳

玉岡字西崑號芥

舟祖平輕財好客以詩名玉岡性高淡工詩善書
遊徧天下絕險鑿幽皆題以詩金金門謫遼東慨
然偕行積詩一卷嘗遊都門市因詩與英相國定
交如賈韓故事晚遊羅浮卒於鄭熊佳電白署中
子永走萬里扶柩歸著有黃竹山房詩鈔三十卷
田盤記遊草一卷天台雁宕記遊一卷粵東草一
卷族孫銓字鈞衡號野田諸生著有野田存草

津門

詩鈔

劉吉乾隆二十三年知霍邱縣倡修書院時河道
淤塞請帑開濬三十餘堡免水災

新通志引
霍邱縣志

王祿鵬字翼雲號秋坪乾隆

已卯舉人

三十四年進士

歷官雲南迤東道少與吳人驥同負才名工行楷

篆隸爲翁方綱所稱詩主晚唐著有秋坪吟草

梅成

棟撰傳

案選舉錄縣志

鵬作朋審字義則此是

繆文璧字煥亭庠生幼孤事母孝乾隆二十三年

母歿號泣幾喪明貧未能葬浮厝於庭一日火起

將及柩奮躍入火抱熾薪出毛髮俱盡柩得全身

昏絕入夜復蘇

縣志

董岱字青岳乾隆己卯舉人歷任景州學正湖北

荊門州州同遠安縣知縣致仕家居重修學宮又

募捐生息爲歲修立祭田置義冢助急難不吝嘉
慶己卯重預鹿鳴宴卒年八十九五世同堂

同上

王希曾字省三號愚山乾隆二十五年舉人歷官

河南武安安陽魯山浙江壽昌秀水知縣陞湖北

蘄州知州所至皆有治績署漢陽府知府孝感大

姓生理饑民十一人令憚事重莫敢發爲雪其冤

積勞卒官著有一梧齋詩草

津門詩鈔

吳人驥字念湖乾隆

乙酉舉人

三十一年進士官山東

萊州知府倜儻廣交遊詩詞皆精稱風流太守

張虎拜字錫山號嘯崖霖曾孫入籍天津乾隆三

十三年聯捷進士官內閣中書宗人府主事母死
廬墓三年著有妙香閣詩集從弟虎士字環極諸
生官奉天錦縣典史母死毀卒

卜維吉號椒塢乾隆三十三年舉人由中書授湖
北施南府通判父緣事成邊家貧依母課讀晝夜
泣思官助教時劉統勳重其品學時金川平捐俸
贖父罪得釋歸俱同上

徐輝字午園乾隆三十九年舉人授江西高安知
縣調新昌地多山出蛟居民常遭淹爲造划船分
設四鄉備患俗多溺女嚴禁之並倡建育嬰堂縣志

沈峻字存圃乾隆甲午副榜由教習仕廣東吳川知縣有武弁邀功誣十七人洋盜峻雪之以獲咎大吏被劾遣戍去日士民泣送旋得釋歸里授徒著欣遇齋詩集十六卷行世子兆澣入詞林時尙

健卒年七十五

同上

姚逢年字華三乾隆

已亥舉人

四十六年進士授福建

詔安知縣地控大海洋匪出沒爲患率幹役獲巨盜三十餘名升建甯府同知南澳鎮獲洋匪五十人大府檄審得減等二十九人厯攝太平徽州州知府子承恩道光十三年進士授奉天蓋平知

縣嚴捕盜賊一境肅然卒官士民思之

沈兆澤撰傳

黃成彥字碩人乾隆庚子舉人事親以孝聞

縣志

朱光觀字仰文本江蘇無錫人父岷字導江來遊

館查氏水西莊中工書善畫精賞鑒富收藏著有

懷南草堂詩稿田盤記遊詩鈔後占籍天津光觀

少孤事寡母孟孝母卒咯血幾殆乾隆四十五年

舉於鄉是日哭墓上念嫡母張葬德州未合葬乃

設祭對木主誓往尋時嚴冬大風雪抵德覓其墓

不得泣涕不食一日遇一老人曰汝張姑子耶僕

張氏佃葬時我目睹乃引至數里外墓已平光觀

仰天哭老人命焚紙錢視風所旋灰落處掘之有

朱棺木朽敗粉書猶可辨泣謝老人扶柩歸合窆

父穴丁未山東饑流亡來津道殣相望罄其資施

粥城西全活無算年四十五卒

梅成棟撰傳案祀孝弟者有朱光

熙初疑或即一人後見縣冊光熙名上書義夫處士則必非此然竟無他徵矣

樂立本字飛泉父樟字樹堂耽遊楚粵名山皆有

詩妻王亦工吟著有粵遊草立本乾隆四十八年

舉人事母孝著有慈思錄

津門詩鈔

查彬字憩亭乾隆

癸卯舉人

甲辰進士任安徽鳳臺令

誅鋤強暴案無留牘繼任河南淇縣安陽信陽牧

令所至善政不可枚舉以失察挂吏議醵職民泣
送百里外奉長生木主於書院講堂旋開復原官
赴選卒於京著有易經集說經文集參采訪隨筆
湘鄉漫錄小息舫詩草若干卷入祀名宦祠

縣志

徐玠字朗齋乾隆癸卯副榜著有朗齋詩文集

侯肇安字泰階乾隆四十八年武舉人性至孝歷
官至山東武定營守備告養回里慷慨多義舉道
光初民饑設粥廠施衣藥全活無算創建輔仁書
院修文昌宮年七十一卒祀鄉賢

俱同上

牛坤字次原乾隆丙午科舉人嘉慶己未科進士

戶部主事游至太僕寺少卿督學雲南時因父宦

游舊地加意士林滇人口碑載道

津門詩鈔

徐通復字體誠乾隆丙午舉人候選內閣中書家

居不仕性愛菊自號菊圃主人好善樂施嘗獨力

捐修郡學立恤養會義舉甚多

縣志

沈嶧字東巖乾隆丙午舉人工詩與弟峻齊名擅

機雲軼轍之譽著有嚶鳴集虛白齋詩鈔

同上

焦景新字晴川號午橋

乾隆戊申舉人

嘉慶六年進士官

監察御史請鑒武清煤廠集民勒石紀其事道光

二年授江西饒州知府有惠政著有多識類鈔同

文拾藩雜字姓函叶韻圖斑詩集若干卷

吳惠元撰傳

楊一崑字二愚乾隆戊申舉人天才警敏學自成

家著有教子尊經求通錄不愧研精覃思閒有卓

然可傳之說又尙書眉說詩求似十斛麥齋有五

堂文詩全集子恆占嘉慶辛未科進士官山西襄

陵縣知縣孫雲棟道光己亥科舉人

采訪冊

沈樂善字戢山號秋雯乾隆

壬子舉人

六十年進士官

至貴州貴東道敦名節飭廉隅風操介然家無擔

石卒於黔無嗣士林惜之

津門詩鈔

邵菜字景菴父玉清由探花官詹事菜乾隆甲寅

舉人任山西黎城令潔已愛民入省嘗策蹇往來
以事與壺關令互訟幾得罪黎城民數千赴省請
留事得白有贈狐裘者以生平未嘗服此卻之謂
永濟令再任湖南常甯令皆著循聲

縣志

李源字春潭乾隆六十年副榜歷官湖北督糧道
所至有聲致仕閉戶著書有周易函書補義十六

卷卒年八十

律門詩鈔

李國柱乾隆中官湖廣提督駐常德府值大水隄
多決親荷土壅水條析情形請發帑賑濟並修治

決隄民得安堵

新通志引
湖南通志

韓大佩乾隆中家遭火鳴金走呼救回見火及家
祠冒入抱先像木主甫及門梁墮而踏火既滅鄰
人掘出之衣俱燼時年十七

秋坪新語

趙英字修五庠生於祖塋旁置地若干畝以入息

納通族丁賦勒碑傳後

按鹽法志作瑛縣志

劉士珍字含珠監生鄉里稱其多善舉子樟曾孫

淑寬皆舉人

李永凝字長清

俱同上

鹽運署隸年四十妻王生一

子三日作湯餅會室湫隘院起蘆棚夜火起長清
驚出呼救人至火騰於棚聞母在室中呼將突入

人阻之曰入必俱死長清絕衣入負母出至院棚
塌覆焉迄滅掘見二屍焦爛伏地負母如故觀者
皆泣下方火熾時門不可入一有力者持鉤破其
室後壁有呻吟聲掖出乃其妻也烟逼垂絕子在
抱中無恙人謂天延其嗣

梅成棟
撰傳

章潮官長壽縣典史嘉慶二年賊王三槐攻城潮
同守備夏繼先激勵士卒奮力決戰被執

新通志
引四川

通志 馬行三十里賊剖其腹事聞

卹廕如例祀昭忠祠

縣志

陸樟字塾齋號香嶼浙江山陰人族祖某家於津

延課家塾遂占籍飲泮食餼從遊甚盛嘉慶戊午
舉京兆壬戌成進士授山西平陸知縣任六年治
見實效詳邑人所撰德政序乙亥秋杪晉地震邑
境特慘倉皇賑撫未半而委員至誘以利脅以害
不應則諸掣肘方呼籲無門忽覺復動恐無子遺
乃急走城隍祠曰某偕神請於帝遂縊事聞士民
環哭得

卹如例著有諸稿藏於家

洪燿
撰傳

梅成棟字樹君號吟齋父履端字雅村事節母孝
成棟嘉慶五年舉於鄉與慶雲崔旭同出張問陶

門有一日得兩詩人之慶晚歲家居創輔仁書院
立蓮花詩社輯津門詩鈔十八卷道光十五年大
荒請上官設四粥廠補永平府訓導從遊者室至
不能容年六十九卒官士民巷哭罷市著有欲起
竹閒樓詩集十卷古文三卷吟齋筆存四卷管見
編四卷儒釋合談一卷

沈兆澐
撰傳

王鴻儀字雲衢嘉慶六年武進士第一由侍衛任
烏魯木齊參將道光六年張格爾叛鴻儀率兵至
阿克蘇都齊特台與戰殺百餘力竭陣亡事聞

卹如例入祀昭忠祠

縣志

王有慶字善舟嘉慶辛酉舉人任江蘇豐縣元和縣令洊升蘇州知府任泰州時麥秀兩歧紳士製聯頌之以疾卒於任年六十子汝玉舉人

汪彭字蓮渠嘉慶戊辰舉人選良鄉訓導不赴咸

豐三年以保衛鄉閭功加五品銜

案祀忠義

梁寶常字楚香

嘉慶庚午舉人

道光三年進士授山東新

泰知縣萊蕪民變檄令率兵往剿乃隻身往諭眾

羅拜誅首事者不枉一人後官至浙江巡撫所至

有惠政民立祠以祀咸豐三年丁憂歸粵匪北犯

辦團防倡捐募勇製器械城內外設二十八局敗

賊城西得勝口得

旨嘉獎七年卒年六十

案祀忠義

子逢壽字兩帆遇賊刀傷其

臂奪刀殺二賊賊眾戕之投其尸於河

俱同上

沈兆澐字雲巢父峻副貢官吳川知縣有政聲以

事謫戍歸鬻書自贍

津門詩鈔

兆澐嘉慶

庚午舉人

二十二

年進士授編修出知松江府歲旱發倉捐廉平糶

修濬白茆劉河以工代賑升江安糧道剔蠹恤丁

咸豐三年署河南布政使粵匪北竄募勇籌餉城

恃以全升浙江布政使致仕歸延主輔仁書院同

治七年捻逆竄境上書當事畫防剿策十年水捐

貴修埏光緒二年春早復上書總督年九十餘卒
諡文和祀鄉賢祠著有蓬窗錄義利錄實心編仰
止編易義輯聞尙論編發聲錄康文拾遺織簾書

屋詩文鈔詠史詩鈔

采訪冊

劉廷璐字硯莊嘉慶庚午舉人由教習任山西洪
洞縣令著有南柯游草卧梅詩草且寄軒諸集

縣志

余堂字階升嘉慶十八年舉人官廣東大埔知縣

調補從化歲早步禱歸途雨注民建生祠以祀調

陽春解組士民咸送歸里卒

沈兆澐撰傳

子作新監生

咸豐四年爲粵逆所執不屈死

采訪冊案祀忠義

吳景周字向亭嘉慶初由浙江錢塘遷天津中嘉慶癸酉副榜謄錄議敘任江甯布政司理問兩薦卓異歷署倅令所至感人攝六合縣篆士民頌曰兩月青天以迴避調江西時子起元惠元振元皆由科甲出仕遂引疾歸著有強識擇言咸豐九年卒年七十九

徐墀撰傳

殷秉鈺字荆園祖維玠邳宿運河通判修林子湖隄除水患民感之號殷公隄秉鈺諸生援例補甯武府經歷道光元年署甯鄉縣捐修城河署平魯丁憂服闋選廣東韶州府經歷署鎮平縣清積案

三百餘兼理昌化調署陽江除陋規爲民累者有
兄弟爭產甲嫡乙庶甲持五百金求罪其弟秉鉅
取予其弟曰兄不償汝吾爲汝兄償之輿論翕然
致仕歸卒年七十一殷嘉樹撰行狀
徐埳字芳田道光二年舉人知太平府咸豐四年
剿捕逆匪陸成泰轉戰三晝夜追至土岡遇伏受
矛傷陣亡事聞

卹廕如例

縣志

張伯琛江蘇泰州吏目父壽昌嘉慶癸酉舉人戊
寅冬在山東病伯琛侍奉湯藥衣不解帶籲天請

代割股和藥病愈越歲以他疾卒哀毀幾欲身殉
扶柩回葬事祖父母克孝尤敦友愛光緒十年河

督慶裕題旌

徵獻
詩注

宋大成備身養母每奉甘旨伺顏色或似不豫必
究問妻弟以故家人皆謹事姊家貧多子女事之
如兄嫂全家依之人弗辨爲異姓

梅成棟
撰傳

李嘉善字會遠庠生嘉慶六年大水雇船分赴四
鄉救一人酬錢五百既救家給席二竹竿三令搭
棚棲人日給餅四枚粥二碗歲除帶米麪柴錢各
票暗察酌施久而不懈曾孫瑞章道光辛丑進士

縣志

寇蘭皋字露滋庠生道光壬寅邀紳富斂貲購糧
蒸餬飪立延生社凡來社者日給餬飪一枚不能
來者預給票倩人領取每歲自冬至後百日爲率
嗣以費不繼復於壬戌公請運使楊需飭商歲捐
錢數千緡定爲例又冬施棉衣先期查訪無濫無
遺每於昏破風雪中徧厯窮簷陋巷分給衣票錢
米受者不知惠出誰何有陳鼎元字位端亦庠生
諸善舉皆相助爲理

華光煒字義堂候選洽中家素封獨力興修北門

石路督工兩月於運署後購地立局施種牛痘咸
豐初與其族叔長祥創建津邑試館於京都崇文
門外三里河橋公立章程復請運使克明歲撥銀
二百四十兩爲試館經費其他如學宮考棚刊方
製藥諸有益事無不爲焉卒年六十一時有梅調
鼎字馥廷亦庠生家貧好善至忘寢食卒年七十
一案新通志合於梅應卜不計相去
一百年又載其修廟考學校內無徵

李雲楣字采軒道光乙酉舉人工詩弟雲林游幕
兩粵多年無耗寄詩情詞悽惻雲林得之卽歸著

有辨香軒詩草黔游日記

俱同上

吳士俊字傳巖道光乙酉舉人癸巳進士知湖南
辰谿縣政聲卓著遷郴州直牧鄉試兩充分校一
充內監試權知寶慶府長沙府卓異北上得疾休
養里門粵寇至偕諸大僚辦團練禦寇獲勝敘功
晉知府旋卒生平勤儉和厚讀書務實著有易義
泝源四十卷存稿待刊其輯注祝融佐治眞詮刊
行於世

陳壇撰傳
案視忠義

齊承彥字小筠道光壬辰舉人援例由刑部員外
游升科道仕至刑部尙書存心寬恕執法平允年

七十二卒得諡恭勤

縣志案選舉在
戊子科可正此誤

華長卿字枚宗晚號米齋祖蘭乾隆庚子舉人官
安徽知縣有循聲工詩善畫著有篁影山房遺稿
長卿紹家學道光辛卯舉於鄉舅沈兆澧督江糧
儲爲幕中客十載縱游吳越楚皖齊晉中州足迹
半天下咸豐癸丑選開原訓導纂

盛京通志三十六卷同治六年告歸士民請留不得
泣送者至數千人奉天學使王家璧奏保

賞加國子學正學錄銜光緒六年卒年七十有七著古
本周易集注十二卷尙書補闕一卷毛詩識小錄
四卷春秋三傳異同考四卷唐宋陽秋六卷說雅

六卷史駢箋注八卷三國兩晉南北朝年表二卷

正字原六卷說文形聲表六卷津門選舉錄一卷

韻藻四卷方輿韻編五卷時運讀我書屋文鈔梅

莊詩鈔共三十二卷騰香館詞鈔一卷

案新通志更載數類

率非可稱著作又有說文引經考疑年錄小傳幾
輔人物云云尤不可解茲據其家藏俞樾撰墓表

正長子光鼎字少極諸生著東觀室詩文鈔津門

文鈔先其父卒次子鼎元字文珊諸生官江蘇同

知著津門徵獻詩行世

采訪冊案新通志載張懷塋此科舉人任廣靈同

知禦捻寇以勞卒官祀名宦云考選舉是科前
後十年內全省無此姓名恐不可據故不錄

李壽春道光二十年武進士授二等侍衛獲開入

宮門瘋犯晉頭等侍衛授福建參將升浙江副將調福建延平營勦滅會匪有戰功守城八月積勞卒

官

卹廕如例

閻履芳字坦齋道光丁酉拔貢己亥舉人年逾四十遽卒無子著有坦齋全集待梓

張秉銳道光十七年武舉人補千總陞守備咸豐三年粵匪北犯戰郡城西槍斃賊首大敗之復隨勝保收復臨清追至江南豐縣轉戰三省所至有功四年勦賊高唐州先登受礮傷陣亡

卹如例俱同上

胡承勛字芟塘道光己亥舉人河南候補知縣母病額天叩禱而愈著有讀史紀畧四卷守拙齋文存二卷醉石軒詩稿六卷鹽法志稿卒於豫子士鏌星奔遇水車不得進冒險跣行扶柩歸孫澄自有傳
清舉人今司志書采訪之任采訪冊

楊家麟字小雲道光甲辰舉人大挑任順義縣訓導與紳士謀修廟無異重建捐廉爲倡晝夜經營遂以勞瘁卒官在任僅年餘也弔者日闕於署及櫬歸士民數百人哭送五十里外縣志

于揚獻字萬峯號權谿庠生邑山曩舉多賴以成

徵獻有燕平存草閩游記等稿雨汀詩話

穆大本道光癸卯二十五年進士任四川守備咸

豐元年出征廣西以戰功得戴花翎二年由湖北

追賊至江甯提督向榮薦升都司尋升游擊四年

大戰七甕橋破賊營四座復戰上方橋落水死年

三十一

卹廕如例縣志

金光筭字念直號濂石父谿道光五年舉人知江

蘇金壇奉賢丹陽陽湖常熟諸縣隨侍練習吏事

援例以通判官甘肅署巴燕戎格通判督捕逆番
拒傷左臂咸稱忠勇改官安徽知縣時淮大水奉
檄勘災青陽激民變撫軍檄蕪湖道張錫蕃往撫
之令偕行光飭入城呼父老曉諭事遂息署定遠
勤緝捕親訪疾苦補建平咸豐元年調補定遠民
慶重來手刃土匪陳小喚子量移壽州旬餘辦匪
案九十餘起囹圄一空因呂賢基薦調赴軍營士
民力請留不果行時粵匪陷武昌江南北皆震州
奸民將動乃集紳士練勇修城郭定遠巨匪陸霞
林逃獄歸糾黨數千爲亂率兵勇徑撲賊巢生擒

陸霞林父子五人黨目四十餘人悉置諸法以功
升知府戴花翎粵匪陷鳳陽破懷遠距州百餘里
一日數驚乃布設疑陣置礮石於要隘招降匪衆
談家寶與鳳臺張茂四年正月賊陷六安數萬竄
正陽關知有備不敢遽入二月朔賊大至據關隔
河以敵礮子集左右肩不爲動復設疑陣賊走城
全三月會袁甲三平巨匪季學盛之于家園又除
馬四馬五陳常四汪履祥諸劇賊五年廬州克復
權府篆壽民再留不得送哭失聲既至廬辦籌防
善後六年眞除會旱饑奸民鄧三虎倡亂進勦殲

之威震遠邇無敢復逞乃設局平糶籌濟巡撫福
濟上治行升廬鳳潁道靈壁擒首張洛刑張澀等
竄三十里鋪渡河禦之數戰賊大敗殺死者無算
適無巢復陷奉撫軍檄赴柘泉規復巢邑賊死守
不出憤激成疾回臨正陽關有冀得蘇添幅附張
捻肆掠力疾渡河擊之追殺七十餘里所過隘口
賊俱紛書畏服君威幸勿窮追大字至霍邱軍少
挫聞六安陷州牧金寶樹殉節知己失險星夜旋
師甫抵關賊十餘萬至馬頭集出戰眾寡不敌退
保壽州城營兵僅千人登陴巡視鎮靜如恆遣弁

趙城出斷橋梁燬民舍戰南門外殺賊數百人多
所奪獲賊善用地雷光筋令掘深塹置水漲浮鐮
其上令瞽聽之如鑼作水潦聲卽堰之賊不得施
城中藥局火將內變令毋擅動少頃獲奸細數十
人斬之事乃定賊攻益急有請戰者但令虛張示
怯以懈其志二十五日夜微雲黯淡因密令兵弁
分三道潛襲賊營預設伏城外爲應賊出不意自
相踐踏殺數千人餘悉遁去質明賊壘悉平專聞
加按察使銜集兵三千人至枸杞圍毀賊營三座
進軍三十里鋪備戰艦水勇水陸環攻五晝夜破

賊營四十餘座船百餘隻殺四千餘人復正陽關
得鏗色巴圖魯號奕有捻匪大股自三河尖回竄
直撲正陽都統勝保馳抵八里塚駐軍督戰光飭
隔河而軍議用浮橋通兵路橋未成賊已突至光
飭持矛戰四時墮水陣亡年甫四十二事聞

賜祭葬廕騎都尉世職諡剛愍建立專祠崇祀昭忠祠

陸長

春撰傳 案祀
忠義又有專祠

田履安投安徽廬鳳潁道金光飭營剿賊立功陞
副將得果勇巴圖魯名號咸豐六年戰賊湖北天
門縣尹澠河受重傷陣亡年三十二

重刊天清月元
縣志

田椿候選千總帶勇守福建光澤鐵牛關八年粵

匪破關力戰陣亡

卹廕如例

徐亨武生候補外委咸豐三年勦賊獨流鎮入重

圍陣亡

案祀忠義又案縣志忠節內附載是役死綏各員除謝佟外總兵顯誤已見職官下

卽遊擊蕭濱而職官內作蕭賓四年任自不相符除爲吳燦醉成龍哈清魁王世隆四員無徵至張秉銳見上又劉世祿見滄州殉難錄下爲王遇亨沈俊魁阿克東阿高廷樑蕭剛李觀堯李枝桂七弁又無徵惟此與鎮標千總王寶慶祀忠義也後同祀者除有傳以外尙有六品閒散佛爾齊之春六品藍翎謝樂善八品藍翎賈兆霖皆彼所無又有王鏞牌書山東鄒縣丞陳康年牌書候選從九

則更不知何年
致命俱附於此

齊世郇從九品咸豐三年粵匪陷廬州手刃數賊
死難

繆逢恩候選千總咸豐四年廣西梧州城被賊圍
奉文往廣東封川請援回至蒼梧遇賊死之

俱同上

喬書年官山東沂水縣丞咸豐十一年帶勇戰賊

陣亡

陸長春撰傳

倪虎榜字禹門武庠生道光八年選授湖北守備
調浙江保薦卓異擢陝西都司以病告歸先未仕
襄辦青靜滄鹽引岸整頓汎務至是回籍綱商仍

舉充襄辦值清查鹽務條陳見行什六七咸豐三年粵寇北犯獨捐資二萬餘緡募勇三千人與邑紳協辦團練及賊逼近請於知縣謝子澄釋獄囚殺賊贖罪賊退後鹽政文謙以其守禦功擬保加二品銜堅辭不受生平好義急公每遇水旱首倡施賑濟貧恤寡諸善舉皆自任不以強人亦不令人知咸豐五年卒閩郡惜之

采訪冊

張錦文字秀野業畦起家巨富咸豐三年官紳辦團練勸出家財助經費九月二十六日賊逼近人心惶懼急謁邑宰謝忠愍言已預辦四千緡爲賞

黃宰因於次日率練勇萬餘人至小稍直口鑿長
濠席裹土成礮臺創礮盤六座架其上適錦文家
運到銀二萬餘兩復勸盡出佐軍譬以明季福藩
既諾遂藉以集事八年十月海上再警復同官紳
籌防薦保四品職銜一品封典

欽頒尙義可風匾額咸豐八年以捐輸得增縣學永遠額
文武各三名並加廣一次文武額各四名又續捐
得增永遠額文武各一名子汝霖候選道時有都
司銜張樹琪字壽峰亦先捐四千金並同謀戰守
機宜後以助晉賑加遊擊銜

李春城父文照字星階布政司理問銜樂善好施
春城字築香優貢生舉孝廉方正咸豐三年襄辦
守禦十年海上告警復辦團練張汝霖專率鋪團
春城專率民團事平以功得花翎員外郎官刑曹
時加意恤囚五年家居立寄生所收養無依貧民
歲常六七百人復創保貞社贍節婦又設義塾教
貧童及他所施濟甚眾同治十年水襄辦賑務有
極貧不得官賑者輒出已貲佐之又因寄生所僅
養男子復立保生所收養婦女規模尤備遠近稱
爲善人子士銘戶部郎中士鈐翰林院編修士鉺

刑部郎中士錡郡庠生

李世珍字筱樓

道光甲辰舉人

同治乙丑進士吏部文選

司主事七年以國防功得四品銜花翎光緒五年
糾同心建備濟社捐集鉅貲備荒年賑濟之用凡
每歲施放錢米衣藥棺木及牛痘局恤養會義塾
諸善舉皆取辦焉舊有寄生所仿其規制出資立
存育所俱收養貧民

劉祖慶父佩蘅字亦紉嘉慶癸酉拔貢戊寅副貢
官雞澤教諭卓異升知縣未任卒祖慶承家學道
光甲辰副貢第一名本名祝慶因榜謫遂改焉由

教習官湖南永興知縣盡心治民不勤於肆應忤
彈中丞撤任另補復謁選同治十年授廣東封川
知縣歷五年亦有循聲委員構之遂罷官歸全小
汀相國素相知惜之欲爲起廢以老病力辭蓋自
稔直性不容也著有餘莊詩稿子三宗晏前浙江
知府宗漢今官戶部主事宗愷夙負傳望隨官湘
粵先卒著有浣花亭詩草

嚴克寬字仁波候選員外郎篤氣誼好施與親朋
或賴以舉火凡育嬰堂恤養會牛痘局字紙會諸
善舉皆親爲經理邑頻患水災借富紳李士銘兄

弟多方賑濟嘗集同志講學著有語錄二卷子振
官戶部郎中修官翰林院編修貴州學政

李鈺以軍功補天津慶雲汛把總同治二年調赴
山東剿匪戰臨清州陣亡事聞

贈卹如例妻陳氏聞鈺殉難不食死

俱同上 案陳氏
入列女又李官一

作右營
外委

孫大鵬字程甫攝鹽山汛千總同治七年與捻逆

戰城南賊誘至王莊歿於陣

鹽山節
義錄

薄通咸豐三年九月二十八日隨知縣謝子澄禦

賊城西將接戰有數百觔巨礮在墻下謝恐爲賊

獲問誰敢移轉者通應聲奮前移礮甫回身中賊鎗殞命同隊王五義憤突出將通屍搶回復轉身迎敵亦中賊鎗死

請旌冊案俱祀忠義又案縣志忠節內附錄是役死綏員弁

兵民初稿未錄亦不入後殉難卹意殊覺不安念營兵百五十名雖不勝載至其義勇十八名劉兆祥石國慶楊起泰李瑞林王得貴任四海曹順和張太祁奎五劉得勝高文得楊奎升吳玉廷賈長清賈盛廷張恕王得芳衙役四名余鵬龍余棟梁賈平五朱玉堂則即令留名在志已遠遂於薄王之組豆矣至彼十八名中只載薄而漏王又縣志之疏也

張依敏以子張樞貴封昭武都尉住白塘口村

治七年擒匪竄擾四月初五日入村率家丁堵禦

中鎗罵賊死年六十六歲

請旌冊案祀忠義

黃應文官德安府經歷署巴東縣剿賊於長陽之

查角石與子樸同陣亡

新通志引
湖北通志

劉鐸字鳴遠商籍貢生官廣甯訓導父遇世遊陝

娶衛氏無出而卒返天津繼娶柳氏生鐸既長父

母相繼歿鐸赴陝尋前母柩扶歸合葬

縣志
此未祀 案

魏元培字秀石從九品有至性父年老失明元培

服勞奉養跬步不離者五年族黨皆以孝稱之

駱鳳書以父喪哀毀卒妻陳氏守志孝事孀姑詳

列女

馮嘉蘭字耕竹嘗積千金爲人乾沒後聞其人貧

死異鄉仍爲買地葬之其長厚多類此著有愛竹

山房詩草

孫明新母病醫藥罔效刲股療之愈後明新猶子
杰疾幾殆杰子亦刲股愈父人稱一門孝友

王晏清年十五入學母病刲股和藥者再父斌官

衛千總客死中州晏清千里奔喪備厯艱險扶柩

歸以哀毀卒年二十九

俱同上 案此以下
十四人俱祀孝弟

楊國柱負販爲業出門計得數日資卽返恐累母

望日承親顏一切不敢令妻孥代奉恐有不至母

至八十七卒喪葬皆如禮

請旌
冊

趙濬六歲失父事諸兄如父伯氏病危仲氏適染
火疾兩侍湯藥各祕不使知恐心傷益疾也兄嘗
違戍不歸思之廢寢食延名師課兄子光藻爲糜
膳生見義必爲嚴冬風雪每施衣食歲盡見無炊
烟者密擲以錢購義地六十餘畝又創立河東鑄
廠修理石道

陳珍字西欄年十三母病告天願代潛割股肉和
藥病遂愈後父病危急又割右臂肉和藥病亦愈
父卒後終身不茹葷酒事兄璋如父著有鵠葉菴
詩集僅二十五歲卒

楊葆森監生兩兄謀食遠方母多病侍奉晝夜無閒病篤刲臂肉和藥未及服而母逝哀毀不欲生親黨力勸止之喪葬盡禮

楊文光從九品父兆桂施醫施藥餌家以益貧文光棄書就賈父患痢甚危刲肉和藥以進父愈裹創甚密逾八年而父卒終不知也

王文運候選知府母汪氏病醫藥罔效夜斷左手四指寸許和藥病愈後母卒廬墓服闋歸家終身不茹葷酒里人稱王孝子

邱景華父德民歲歉出關景華依母紡織爲生至

十三歲誓欲往尋母阻之不得給錢一千哭而別
行再歷寒暑屢瀕死一日有車夫張起泰聞所述
狀躍然曰予夙好也在鳳凰城鬻飯遂偕往得見
旁觀皆流涕亟歸歎聚皆享大年家日昌盛

張春元候選縣丞父祖坊令山右卒官獨扶柩歸
葬艱辛備至母周氏病不愈割臂和藥進疾頓瘳
至母卒後得心疾時發時愈竟卒方三十四歲

李瑞璋父宗華嗣伯宗恆爲後宗恆官衛千總瑞
璋隨侍被議流離後父子並病疫力疾奉湯藥父
略痊適家書至本生母楊氏病又亟乃力疾行二

千里省母見危篤刲臂和藥卒不起痛幾絕既葬
母復往省嗣父則歿已多日矣柩厝淮城無力歸
葬乃回里就槨館積有餘金借兄子鹿鳴趨淮安
則柩已移誓不空返久乃得之與兄子扶歸

劉國慶官太醫院光緒九年七月初五日割臂醫
母病旋瘳

姜宗義父病醫治無效割股和藥父竟不起以哀
毀成疾卒

曹天祿負販爲業孝事孀母友愛兄天福及孀嫂
教養兄子人傑爲廩生平生無嗜好卒不娶妻家

事皆身任之

趙錫朋延堂伯趙吉甫於家課弟錫齡書光緒九年四月三日家不戒於火延及書舍錫朋恐師徒急不能出從火中躍入負吉甫出復躍入負錫齡而火勢大熾屢衝突不辨門戶旋見屋旁短垣因竭力再躍出而胸受火傷已甚越數日與錫齡並死言其衝突狀聞者流涕

張玉琨貢生父患痢垂危計無所施遂割臂肉煎

以進疾竟瘳生平亦多義舉

俱同上案此以下未祀

張淦字德華延慶州學正式芸次子隨侍學署年

僅三十有一而卒其卒也爲母病禱天減已算以

增母壽故

徵獻詩注參楊光儀詩集案已旌

時有庠生王登瀛亦

以毀卒距父歿二十三日未旌無子胞弟春瀛以

子嗣之

采訪冊

武德深字達三蚤孤事母爲人懋遷不敢遠出暮

必歸供甘旨嘗語家人曰事親須盡色養於生前

逮祭雖豐潔何益其人未學而言行合古人世以

是重之

同上

趙世裕字石蓮母疾刺血和藥以進同治中患疫

力疾奔千里訣其父至三日而卒

鄭學川撰傳

趙恩鑣字雪年同治六年五月父文魁卧病兄違
出晝夜奉侍呼天祈禱衣不解帶者月餘病益篤
因割臂肉和羹以進遂愈鹽法志稿
曹爾升字星階庠生父病亟割臂肉以進疾遂愈
光緒元年請

旌表

胡澄字玉文官守禦所千總父病篤割臂肉療之
遂愈光緒十七年旌

查體勤父德藩游學絕音耗母黃氏命往求之由
豫之皖之豫章以達粵沿途乞食及與父遇奉以

還父病不能寢則覆卧以承父背俾休憩母病思
鮒時值冰堅不可得購於神凍解獲五鮒以進父
沒後墓被水將毀仰天痛哭水忽分流人以爲孝
咸光緒十年河南巡撫鹿傳霖稟案請

旨旌表

俱同上

于秉鈞字禹和貢生侍母疾數十年如一日姊有
子女而寡從弟亦遺子女俱貧無依迎歸撫養之
兄卒嫂守志嫂母通嫁致投緹繫宅以葬家益困
妻以懟忤母出之

梅成棟
撰傳

胡炳泰字小帆鈔關司籍吏母畏雷聞雷卽趨侍

母側同治中母病卒坐柩旁仰藥以殉

鄭學川撰傳

樊彬字質夫號文卿父宗浩號曉齋有研圃山房遺稿一卷彬幼卽有聲試輒冠軍先達皆以國士目之秋闈僂得僂失者屢遂就史館謄錄敘勞司訓冀州遷斬水丞年老退居京華乃以尊酒論文爲樂性情溫厚介潔以故士林重之著有問青閣

詩集十卷津門小令一卷刊行

陳澧撰傳

蔣玉虹字雄甫邑廩生天津自乾隆初設縣以來志書僅初創雄甫立志續修采訪數十年嘗操筆墨油紙大便面徧行荒郊破寺中求殘碑斷碣錄

歸凡志所應有者分門編纂稿積數十帙未成而

卒

沈兆灃撰傳

趙埜原名夢庚字曉春號雪蘿庠生著有天籟集

板扉吟夢蟲集

縣志

沈起麟字苑遊布衣喜施與著清芬堂詩集

鄭樸字笠艇幼孤事孀姊盡禮老無嗣鰥居貧甚
嘗絕炊不屑乞請有顧某者義而養之歎曰累及
良友天絕我矣遂投河死著有哀吟集一卷

康堯衡字道平號達夫歲貢生著有海上樵人稿

十二卷津門風物詩四卷雲構詩談四卷

俱同上

董懷新字梧侯廩生詩清矯拔俗

時鳥集跋

史樂善號雨汀廩生充嵯揀著有梅影集二卷說

詩憶語一卷雨汀詩話八卷

微獻詩注

孟繼坤字小帆同治壬戌舉人任撫甯縣教諭數

年病卒著有清發堂駢散文古近體詩二十四卷

畿輔詩人詠二卷孟氏名人詠二卷

采訪冊

劉錫字韻湖進士錞兄著有烏梅閣集

縣志

錫從父

維祺著有夢齡錄四卷昔遊集一卷錫性任俠友

袁某遣戍西行錫病垂危猶典衣裘饋之卒年三

十四時以詩稱者周自邵字景洛有草龕詩集查

曦字漢客有珠風閣詩集

津門詩鈔

喬耿甫號五橋諸生初名樹聲善書求者眾有所得輒沽酒賦詩里有貧乏全畀之無宿儲不少願

晚年無子瀕卒遺墨蹟一篋

雨汀詩話

金汝琪字潤甫候選縣丞先世由浙江山陰遷津幼因貧習賈佐禹筭二十餘年以起其家嘗之浙瞻祠墓續宗譜蓋北俗所忽者光緒庚寅山左大水津人捐輸者眾而付託難其人汝琪既出貲復身任之跋涉三千里艱危弗恤邑有卹廢濟生等社歲久咸經其釐訂自爲周濟親族善舉尤多

采訪

冊 同時有候補光祿寺署正劉景雲字子雨世居

土城凡下游河工賑濟皆經官舉勦辦

同上

